

兩漢博聞

五

類	號	函	架	冊
漢	三	二	一	九
書	三	一	二	九
門	五	五	九	九


內	閣	文	庫
漢	三	一	二
書	三	一	二
類	五	五	九

內閣文庫	
番號	漢 231 <small>ㄅ</small>
冊數	1 <small>ㄅ</small> (5)
函號	290 9 <small>ㄅ</small>



兩漢博聞

五



兩漢博聞卷五目錄

請問

鮫儀冠

涓人蒼頭軍

天極

長休告

爰書

舞知乾沒

鳴鏑

餐霞

上游

折膠

大府

縣土炭

間遠

前漢

持滿

倒景


拾芥


賈豎

方中

景星

綠車





珠襦
 橫行書
 便面
 千人司馬
 甲觀畫堂
 股弁
 馬復令
 子午道

席勝
 尉薦
 金布令
 畫象
 裕祭
 縣度
 田輪臺渠犁
 畦步

琅當
 童騎
 犀利
 度曲
 郡將
 蟻飲
 儀形
 毛執

東汪
 驪駒
 鋤笛
 方制
 酒泉郡
 日南郡
 略地
 河源

曲臺記
 鬼廷栢
 負海
 日夜食
 古瓜州
 耐刑
 葭葦之故
 會稽禹穴九疑

大小載
 真宅
 隼
 雒陽
 靈州
 蜀
 前星
 紫貝

珊瑚	蜀徼	凌告	監奴	昆明池	詳延	吳陽上下時	三服官
家徒四壁	請吏 <small>一奇</small>	持更	甲令	居延	廊時	五時	司馬門
犢鼻	流離	附離	試守 <small>一切</small>	五屬國	密時	木寓龍馬	陽朔年

微行	粉榆社	檟櫓	郎中令	檻車	辟易	撰弓	分陝
陵夷	公社	米鹽	中郎將	絕亢	麗譙	騎置	甌脫
客上	官稷	銀黃 <small>三組</small>	車戶騎三將	沐猴	薺芥	斷匈奴左右臂	威斗

豉行喙息

豬其宮室

肝衡

受降城

校司馬

兩漢博聞卷五目錄

兩漢博聞卷五

請間

文帝紀

爰盎傳十九

代王至渭橋群臣拜謁太尉勃進曰願
請間宋昌曰所言公公言之所言私王
者無私

師古曰間容也猶今言中間也請容
暇之頃當有所陳不欲於衆顯論也
又注云欲因間隙私有所白也

鳴鏑匈奴傳六十四上

冒頓作鳴鏑今日鳴鏑所射而不悉射者斬已而冒頓以鳴鏑自射其善馬復射其愛妻左右或莫敢射皆斬之後獵以鳴鏑射然其父頭曼自立

應劭曰鳴鏑翫箭也翫音呼交反師

古曰曼音莫安反

持滿匈奴傳

持滿傳矢外鄉

師古曰傳讀曰附鄉讀曰嚮持滿言

滿引弓弩注矢外捍也

駮儀冠倭幸傳六十三 司馬相如傳二

孝惠時侍中皆冠駮儀貝帶傳脂粉

師古曰以駮儀毛羽飾冠海貝飾帶

駮儀即鷲鳥也音峻儀又相如傳注

云駮儀似山雞而小冠背毛黃腹下

赤項綠色其尾毛紅赤光采鮮明今俗呼為山雞其實非也

餐霞 相如傳二十七下

吸沆瀣兮餐朝霞

應劭曰列仙傳陵陽子言春食朝霞者日始欲出亦黃氣也夏食沆瀣北方夜半氣也并天地玄黃之氣為六氣

倒景 相如傳

貫列缺之倒景

服虔曰列缺天閃也人在天上下向

視日月故景倒在下也

郊祀志登遐倒景如淳曰在日月之

上反從下照故其影倒

消人

蒼頭軍

陳勝傳

石奮傳十六

陳勝既為其御莊賈所殺而降秦勝故

涓人將軍呂臣為蒼頭軍起新陽

應劭曰時軍皆著青巾故曰蒼頭軍

也師古曰涓潔也涓人主潔除之人

涓音蠲石奮為高祖中涓中涓官名

主居中而涓潔者

上游

項籍傳一

匈奴傳

項羽陽尊懷王為義帝曰古之王者地

方千里必居上游徙之長沙都郴

文穎曰居水之上流也師古曰游即

流也又匈奴傳從上游來厭人

拾芥

夏侯勝傳四十五

夏侯勝每講授常謂諸生曰士病不明

經術經術苟明其取青紫如俛拾地芥

爾

師古曰地芥謂草芥之橫在地上者

俛而拾之言其易而必得也青紫卿

大夫之服也俛即俯字也
天極李尋傳四十五

李尋云紫宮極樞通位帝紀

孟康曰紫宮天之北宮也極天之北極星也樞是其迴轉者也天文志曰天極其一明者太一常居也太一天皇大帝也與通極為一體故曰通位帝紀也

折膠鼂錯傳十九

鼂錯曰陛下絕匈奴不與和親臣竊意其冬來南也欲立威者使於折膠來而不能困使得氣去後未易服也

蘇林曰秋氣至膠可折弓弩可用匈奴常以為候而出軍師古曰使得氣去者使其得勝逞志氣而去

賈豎張良傳十

如疑不祀

張良曰秦兵尚強未可輕也其將屠者
子賈豎易動以利令持重寶啗秦將

師古曰商賈之人志如遠大譬如僮

豎故云賈豎

長休告 丙吉傳四十四

丙吉居相位上寬大掾史有罪臧不稱

職輒予長休告

師古曰長給休假期令其去職也

大府 張湯傳二十九

大府丞相府也

方中 張湯傳

張湯調茂陵尉治方中

蘇林曰天子即位豫作陵師古曰古

謂掘地為阡曰方今荆楚俗上功築

作算程課者猶以方計之

爰書 張湯傳

張湯劾鼠掠治傳爰書訊鞠論報

師古曰傳謂傳逮若今之追送赴對也爰換也以文書代換其口辭也訊考問也鞠窮也謂窮覈之也論報謂上論之而獲報也

縣土炭

天文志六

李尋傳

天文志曰冬至短極縣土炭炭動麋鹿解角蘭根出泉水踊

孟康曰先冬至三日縣土炭於衡兩端輕重適均冬至而陽氣至則炭重夏至而陰氣至則土重晉灼曰蔡邕律歷記候鍾律權土炭冬至陽氣應黃鍾通土炭輕而衡仰夏至陰氣應蕤賓通土炭重而衡低進退先後五日之中

李尋曰改治感陰陽猶鐵之低仰見效

可信者也孟康曰天文志云縣土炭
也以鐵易土耳先冬夏至縣鐵炭於
衡各一端令適停冬陽氣至炭仰而
鐵低夏陰氣至炭低而鐵仰以此候
二至也

景星

天文志六

景星德星也其狀無常常出於有道之
國

舞知

乾沒

張湯傳

張湯舞知以御人始為小吏乾沒與長
安富賈田甲魚翁叔之屬交私

師古曰舞弄其智制御他人也服虔
曰乾沒射成敗也如淳曰豫居物以
待之得利為乾失利為沒乾音干

間適

杜欽傳三十

支庶有間適之心

師古曰閭代也音居覓反適讀曰嫡
綠車 金日磾傳三十八 王莽傳六十九上

金敞為衛尉病甚上拜其子涉為侍中
使綠車載送衛尉舍

晉灼曰漢注綠車名皇孫車太子有
子乘以從如淳曰常置左右以待召

戴皇孫李奇曰欲敞見其榮寵也
王莽得乘綠車從

師古曰亦以寵之也

珠襦 霍光傳三十八

將廢昌邑王太后被珠襦盛服坐武帳
中武士陞戟陳列殿下

晉灼曰貫珠以為襦形若今革襦矣
師古曰陞戟謂執戟以衛陛下

席勝 蒯通傳十五

乘利席勝威震天下

師古曰席因也若人之在席上

琅當

注西域傳六十六上

後漢循吏傳序

軍候趙德使蜀賓與蜀賓王陰末赴相
失陰末赴鎖琅當德殺副已下七十餘
人

師古曰琅當長鎖也若今之禁繫人

鎖矣琅音郎

後漢注云王莽一家鑄錢保五人沒

入為官奴婢男子檻車女子步鐵鎖

琅當其頸愁苦死者十七八

橫行書西域傳

服虔曰安息國橫行為書記師古曰

今西方胡國及南方林邑之徒書皆

橫行不直下也

尉薦

趙廣漢傳四十六

趙廣漢為二千石以和顏接士其尉薦

待遇吏殷勤甚備

師古曰尉屬謂安尉而屬達之

童騎張敞傳四十六

出從童騎

師古曰以童奴為騎而自從也

便面張敞傳 王莽傳

張敞為京兆尹無威儀時罷朝會過走馬章臺街使御史驅自以便面拊馬

師古曰便面所以障面蓋扇之類也
不欲見人以此自障面則得其便故
曰便面亦曰屏面今之沙門所持竹
扇上袞平而下圓即古之便面也音
頻面反

王莽常翳雲母便面

金布令蕭望之傳四十八

金布令甲曰邊郡數被兵離飢寒夫絕

天年父子相失令天下共給其費

師古曰同共給之也自此以上令甲

之文金布者令篇名也其上有府庫

金錢布帛之事因以篇名令甲者其

篇甲乙之次

犀利馮奉世傳四十九

羗戎弓矛之兵耳器不犀利

晉灼曰犀堅也

千人司馬馮奉世傳

如淳曰漢注邊郡置都尉及千人司

馬皆不治民也

畫象武帝紀元光元年

詔曰昔在唐虞畫象面民不犯

應劭曰二帝但畫衣冠異章服而民

不敢犯師古曰白帟通云畫象者畫

其衣服象五刑

度曲 元帝紀贊

元帝多材藝善史書鼓琴瑟吹洞簫自
度曲被歌声

應劭曰史書周宣王太史籀所作大
篆也度曲謂自隱度作新曲因持新
曲以為歌詩声也荀悅曰被声能播
樂也臣瓚曰度曲謂歌終更授其次
謂之度曲西京賦曰度曲未終雲起

雪飛張衡舞賦亦曰度終復位次受
二八度音大各反被音皮義反

甲觀畫堂 成帝紀

孝成皇帝元帝太子也母王皇后元帝
在太子宮生甲觀畫堂

如淳曰三輔黃圖云太子宮有甲觀
師古曰甲者甲乙丙丁之次元后傳
言見於丙殿此其例也畫堂但畫飾

耳霍光止畫室中是則宮殿中通有

彩畫之堂室

祫祭 平帝紀

元始五年祫祭明堂

應劭曰禮五年而再殷祭一禘一祫

祫祭者毀廟與未毀廟之主皆合食

於太祖

郡將 嚴延年傳六十

師古曰謂郡守為郡將者以其兼領

武事也

股弁 嚴延年傳

嚴延年為涿郡太守按大姓高氏獄吏

皆股弁

師古曰股戰若弁弁謂撫手也

縣度 西域烏秣國六十六上 西域蜀賓

烏秣國其西則有縣度去陽關五千八

百八十八里縣度者石山也谿谷不通
以繩索相引而度

成帝時屬賓國復遣使獻謝罪漢欲遣
使者報送其使杜歛說大將軍王鳳曰
今縣度之阨歷大頭痛小頭痛之山赤
土身熱之阪令人身熱無色頭痛嘔吐
駟畜尽然行者騎步相持繩索相引二
千餘里乃到縣度其鄉慕不足以安西

域有求則卑辭無欲則嬌慢終不可懷
服也

師古曰懸繩度也縣古懸字耳
蠕飲 西域傳

烏秣國山居累石為室民接手飲
師古曰自高山下谿澗中飲水故接
連其手如蠕之為

馬復令 西域傳

當今務在禁苛暴止擅賦力本農脩馬復令

師古曰馬復因養馬以免徭賦也復

音方目反

田輪臺渠犁西域傳

武帝初通西域置校尉屯田渠犁是時軍旅連出海內虛耗弘羊等奏言故輪臺以東捷枝渠犁有溉田五千頃以上

臣以為可遣屯田卒詣輪臺以東置校尉三人分護以時益種五穀詔曰今請遠田輪臺起亭隧是擾勞天下非所以優民也

師古曰隧者依深險之處關通行道也

儀形

王莽傳六十九上

唯陛下儀形虞周之盛

子午道 王莽傳

王莽以皇后有子孫瑞通子午道子午道從社陵直絕南山徑漢中

張晏曰時年十四始有婦人之道也子水午火也水以天一為牡火以地二為牡故火為水妃今通子午以協之師古曰子北方也午南方也言通南北道相當故謂之子午耳今京城

直南山有谷通梁漢道者名子午谷又宜州西界有山名子午嶺計南北直相當此則北山者是子南山者是午共為子午道

跬步 王莽傳

進不跬步

師古曰半步曰跬謂一舉足也音空築反

毛執義縱傳六十

義縱為定襄太守郡中不寒而栗縱以鷹擊為治

師古曰言如鷹隼之擊奮毛羽執取飛鳥也

東溼齊成傳六十

齊成以郎謁者事景帝好氣為少吏必陵其長吏為人上操下急如東溼

師古曰操執持也東溼言其急之甚也溼物則易東操音干高反

曲臺記

孟卿傳五十八

藝文志十

后蒼說禮教方言號曰后氏曲臺記

服虔曰在曲臺校書著記因以為名師古曰曲臺殿在未央宮藝文志注如淳曰行禮射於曲臺后蒼為記故名曰曲臺記漢官儀曰大射于曲臺

晉灼曰天子射宮也西京無太學於
此行禮也

大小戴 孟卿傳

梁戴德延君戴聖次君德號大戴聖號
小戴皆受經于后蒼由是禮有大戴小

戴之學

驪騎 王式傳五十八

諸博士共薦王式詔除下為博士式徵

來諸大夫博士共持酒肉勞式江公世
為魯詩宗心嫉式謂歌吹諸生曰歌驪
駒式曰聞之師客歌驪駒主人歌客毋
庸歸今日諸君為主人日尚早未可也
遂謝病免歸

服虔曰逸詩篇名也見大戴禮客欲
去歌之文穎曰其辭云驪駒在門僕
夫具存驪駒在路僕夫整駕也客毋

庸歸者庸用也主人禮未畢且無用歸也

鬼廷東方朔傳三十五

東方朔曰栢者鬼廷也

師古曰言鬼神尚幽闇故以松栢之

樹為廷府也

真宅楊王孫傳三十七

楊王孫病將死先令其子曰吾欲羸葬

者

以反吾真且曰死者物之歸也精神老

天之有也形骸者地之有也精神離形

各歸其真夫裹以幣帛高以棺槨支體

絡束口舍玉石欲化不得鬱為枯腊千

載之後棺槨朽腐迺得歸土就其真宅

遂羸葬

銛笏趙廣漢四十六 王溫舒傳六十

趙廣漢為潁川太守先是潁川豪傑大

姓相與為婚姻吏俗朋黨漢患之出有
案問故漏泄其語令相怨咎又教吏為
詬笏及得投書削其主名而託以為豪
桀大姓子弟所言其後彊宗大族結為
仇讐姦黨散落風俗大改吏民相告訐
廣漢得以為耳目

蘇林曰詬音項如餅可受投書孟康
曰笏用竹笏也如今宮受密事笏也師

古曰詬若今盛錢藏瓶為小孔可入而
不可出或詬或笏皆為此制而用受書
令投其中也笏音同王溫舒為中尉少
年投詬購告言姦

負海

五行志七十一上

秦大用民力轉輸起負海至北邊負海
猶言背海也

隼

五行志

師古曰隼鷲鳥即今之鳩也鳩字音胡骨反鳩與鷲同

方制 地理志八上

黃帝方制万里書摺分州得百里之國万區方制以為方域也

日夜食 五行志七下之下 李尋傳又注

日夜食則無景立六尺木不見其景以此為候

雒陽 地理志八上

師古曰魚豢云漢火行忌水故去洛水而加佳如魚氏說則光武已後改為雒字也

酒泉郡 地理志八下

酒泉郡武帝太初元年開

應劭曰其水若酒故曰酒泉師古曰

舊俗傳云城下有金泉味如酒

古瓜州地理志

燉煌古瓜州也地生美瓜

師古曰即春秋左氏傳允姓之戎居于瓜州也其地今猶出大瓜長者狐入瓜中食之首尾不出

靈州地理志

惠帝四年置有河奇苑號非苑

師古曰苑謂馬牧也水中可居者曰

洲此池在河之洲隨水高下未嘗淪沒故號曰靈州又曰河奇也二苑皆在北焉

日南郡地理志

故秦象郡武帝時更名屬交州

師古曰言在日之南所謂北戶以向日者

耐刑

高祖七年令郎中有罪耐已上請之

應劭曰輕罪不至於髡完其耐鬚故

曰耐古從彡髮膚之意也師古曰耐

當音而耐謂頰旁毛也

耐高帝紀

耐毛若今髡及髡耐之類也耐居例反

髡音曷髡音瞿耐音俞說文云髡耐種

綖之屬蓋方言也別注云耐織毛為布

者

略地高帝紀

凡言略地者皆謂行而取之用功力少

葭莩之故王莽傳六十九 中山靖王傳

王莽上言曰自諸侯王以下至於吏民

咸知莽與陛下有葭莩

中山靖王曰今群臣亦有葭莩之親鴻

毛之重

晉灼曰葭茅裏之白皮也師古曰葭
蘆也茅者其筍中白皮至薄者也葭
茅喻著鴻毛喻輕薄甚也

前星

五行志七下之下

大辰心也心為明堂天子之象又星傳
曰心大星天王也其前星太子也後星
庶子也

河源

西域傳六十六

張騫贊三十一

西域傳河有兩源一出葱嶺山一出于
闐于闐在南山下其河北流與葱嶺河
合東注蒲昌海蒲昌海一名蓋澤者也
去玉門陽關三百餘里廣袤三百里其
水亭居冬夏不增減皆以為潛行地下
南出於積石中國河又張騫傳贊曰禹
本紀言河出崑崙山高二千五百餘里
日月所相避隱為光明也自張騫使大

夏之後窮河源惡睹所謂昆侖者乎故
言九州山川尚書道之矣至禹本紀山
經所有放哉尚書曰導河積石在金城
河閼不言出崑崙也是謂河源
會稽禹穴九疑司馬遷傳三十二 司馬
司馬遷自叙曰遷年十歲則誦古文二
十而南游江淮上會稽探禹穴窺九疑
張晏曰禹巡狩至會稽而崩因葬焉

上有孔穴民間云禹入此穴師古曰
會稽山名本茅山也禹於此會諸侯
之計因名會稽也九疑山在零陵營
道縣舜所葬也疑似也山有九峯其
形相似故曰九疑
紫貝相如傳二十七上
鈞紫貝郭璞曰紫貝紫質黑文也師古
曰貝水中介蟲古以為貨也

珊瑚 相如傳

郭璞曰珊瑚生水底石邊大者樹高二尺餘枝格交錯無有葉

家徒四壁 相如傳

相如居成都家徒四壁立

師古曰徒空也但有四壁更無資產

犢鼻 相如傳

相如身自著犢鼻禪

師古曰即今之松也形似犢鼻故以名云松音之容反

蜀徼 西南夷傳六十五

巴蜀西南外蠻夷諸侯秦時頗置吏焉秦滅漢興皆棄此國而閔蜀故徼

師古曰西南之徼猶北方塞也徼音工鈞反張揖曰徼謂以木石水為界者也

請吏

一奇相如傳二十七下

西南夷

印苾之君長聞南夷與漢通得賞賜多
多欲願為內臣妾請吏比南夷
南夷君長以十數夜郎最大武帝時唐
蒙往南夷食蜀枸醬問之知牂柯江出
番禺城下歸上書說上曰竊聞夜郎所
有精兵可得十萬浮船牂柯出不意此
制粵一奇也

流離

西域傳六十六上

流離出蜀宿國

師古曰魏略云大秦國出赤白黑黃

青綠縹紺紅紫十種流離

變告

韓信傳四

師古曰凡言變告者謂告非常之事

持更

西域傳

杜欽說王鳳曰欲遣使報送蜀宿國使

斥候七百餘人五分夜擊刁斗自守

師古曰夜有五更故分而持之

附離

五行志七下之下

成帝時夜過中星墮谷永曰星辰附離

于天猶庶民附離王者也王者失道下

將叛去故星叛天而墮以見其象

監奴

霍光傳三十八

霍光愛幸監奴馮子都常與計事

師古曰監奴謂奴之監知家務者也

甲令

宣帝紀地節四年後漢皇后紀十

文穎曰蕭何承秦法所作為律令經

是也如淳曰令有先後故有令甲令

乙令丙師古曰甲乙者若今之第一

第二篇耳

後漢書向使設外戚之禁編著甲令改

正后妃之制貽厥方來豈不休哉

試守

一切

平帝紀元始元年
武王續傳注

元年

後漢齊

平帝初即位詔二百石以上一切滿秩

如真

師古曰時諸官有試守者特加非常之恩令如真耳非凡除吏皆當試守也一切者權時之事非經常也猶如以刀切物苟取整齊不顧長短縱橫故言一切他皆倣此

後漢注云試守者稱職滿歲為真

昆明池

武帝紀元狩三年

發謫吏穿昆明池

臣瓚曰西南夷傳有越雋昆明國有滇池方三百里漢使求身毒國而為昆明所閉今欲伐之故作昆明池象之以習水戰在長安西南周回四十里食貨志又曰時越欲與漢用船戰

遂乃大脩昆明池也師古曰謫吏吏
有罪者罰而役之滇音顛

居延

武帝紀元狩二年

將軍去病出北地二千餘里過居延

師古曰居延匈奴中地名也

五屬國

武帝紀

匈奴昆邪王殺休屠王并將其眾合四
萬餘人來降置五屬國以處之以其地

為武威酒泉郡

師古曰昆音下門反屠音儲凡言屬

國者存其國號而屬漢朝故曰屬國

武威今涼州也酒泉今肅州也

詳延

武帝紀元朔五年

詳延天下方聞之士咸薦諸朝

師古曰詳悉也延引也方道也聞博

聞也言悉引有道博聞之士而進於

朝也

鄜時郊祀志五上

時音止神靈之所上也秦文公夢黃蛇自天下屬地口止於鄜衍作鄜時祭白帝焉

李奇曰三輔謂山陵間為衍

密時郊祀志

作鄜時後八十四年秦宣公作密時於

渭南祭青帝

吳陽上下時郊祀志

自秦宣公作密時後二百五十年而秦靈公於吳陽作上時祭黃帝作下時祭炎帝自未作鄜時而雍旁故有吳陽武時雍東有好時皆廢無祀或曰自古以雍州積高神明之隩故立時郊上帝諸神祠皆聚云又作吳陽上下時後五十

年櫟陽雨金秦獻公自以為得金瑞故
作畦時櫟陽而祀白帝

師古曰畦時者如種韭畦之形而於
畦中各為一土封也畦音下圭反

五時

郊祀志

諸祠唯雍四時上帝為尊高祖東擊項
籍而還入關問故秦時上帝祀何帝也
對曰四帝有白青黃赤帝之祠高祖曰

吾聞天有五帝而四何也莫知其說於
是高祖曰吾知之矣待我而具五也廼
立黑帝祠名曰北時有司進祠上不親
往至文帝始幸雍郊見五時趙人新垣
平以望氣見上言長安東北有神氣成
五采若人冠冕烏宜立祠上帝以合符
應於是作渭陽五帝廟帝一殿面五門
各如其帝色祠所用及儀亦如雍五時

木寓龍馬 郊祀志

秦祠四時每時用木寓龍一駟木寓車馬一駟各如其帝色

李奇曰寓寄也寄生龍形於木也師古曰一駟亦四龍也

三服官 元帝紀

元初五年罷齊三服官

李斐曰齊國舊有三服之官春獻冠

幘緹為首服純素為冬服軒綃為夏

服凡三緹與纚同音山爾反

司馬門 元帝紀

師古曰司馬門者宮之外門也衛尉有八屯衛候司馬主衛士徼巡宿衛每面各二司馬故謂宮之外門為司馬門

項籍傳留司馬門三日

師古曰凡言司馬門者宮垣之內兵衛所在四面皆有司馬司馬主武事故總謂宮之外門為司馬門
後漢趙王乾居父喪白衣出司馬門
注云諸侯王宮門有兵衛亦為司馬

門

陽朔年 成帝紀

河平四年山陽火生石中明年改元為

陽朔

師古曰朔始也以火生石中言陽氣

之始

微行 成帝紀

鴻嘉元年上始為微行出

張晏曰於後門出從期門郎及私奴客十餘人白衣組幘單騎出入市里不復警蹕若微賤之所為故曰微行

陵夷 成帝紀

帝王之道日以陵夷

師古曰陵丘陵也夷平也言其類替若丘陵之漸平也又曰陵遲亦如丘陵之逶遲稍卑下也

客土 成帝紀

詔曰昌陵作治五年百姓罷勞客土疏惡終不可成

粉榆社 郊祀志五上
服虔曰取他處土以增高為客土

高祖禱豐粉榆社

鄭氏曰粉榆鄉名也社在粉榆晉灼曰粉白榆也社在豐東北十五里師古曰以此樹為社神因立名也粉音

公社 郊祀志
符云反

高祖令縣為公社

李奇曰公社猶官社

官稷平帝紀

元始三年安漢公奏立官稷

師古曰初立官稷於官社之後是為

一處今更創置建於別所不相從也

榑成帝紀檣河平四年

民為水所流死不能自葬者令郡國給

榑檣葬埋

師古曰榑檣謂小棺榑音衛

米鹽黃霸傳五十九咸宣傳

黃霸為潁川太守為改米鹽靡密初若

煩碎

師古曰米鹽言雜而且細

咸宣為左內史其治米鹽

銀黃三組楊僕傳六十

楊僕懷銀黃垂三組

師古曰銀銀印也黃金印也僕為主

爵都尉又為樓船將軍并將梁侯三

印故三組也組綬也

郎中令百官公卿表七上

郎中令奏官武帝更名光祿勳

臣瓚曰主郎內諸官故曰郎中令應

劭曰光明也祿爵也勳功也

中郎將百官公卿表

中郎有五官左右三將秩皆比二千石

車戶騎三將百官公卿表

郎中有車戶騎三將秩皆比千石

如淳曰主車曰車郎主戶衛曰戶郎

漢儀注左右車將主左右車郎左右

戶將主左右戶郎

檻車陳餘傳二

貫高與趙王檻車詣長安

師古曰檻車者車而為檻形謂以板

四周之無所通見

絕亢陳餘傳

貫高絕亢而死

師古曰亢者總謂頸耳爾雅云即喉

寵也音工郎反

沐猴項籍傳一

人謂楚人沐猴而冠

張晏曰沐猴猶猴也師古曰言雖著

人衣冠其心不類人也

辟易項籍傳

楊喜為郎騎追項羽羽還叱之喜人馬

俱驚辟易數里

師古曰辟易謂開張而易其本處辟

音頻亦反

麗譙陳勝傳一

陳勝攻陳戰譙門中

師古曰譙門謂門上為高樓以望耳
樓一名譙故謂美麗之樓為麗譙譙
亦呼為巢所謂巢車者亦於兵車之
上為樓以望敵也譙巢聲相近本一
物也

蕒芥

相如傳二十七上

賈誼傳

吞若雲夢者八九其於胃中曾不蕒芥

張揖曰蕒芥刺鯁也賈誼傳注師古

云蕒芥小鯁也

攝弓

相如傳二十七下

撰弓而馳

師古曰撰謂張弓注矢而持之也撰

女涉反

騎置

西域傳六十六下

事有便宜因騎置以門

師古曰騎置即今之驛馬也

斷匈奴左右臂

西域傳贊

後漢班超傳

孝武之世圖制匈奴患其兼從西國結

黨南羌迺表河曲列四郡開玉門通西

域以斷匈奴右臂隔絕南羌月氏單于

失援由是遠遁而幕南無王庭

後漢班超曰先帝開西域議者皆曰取

三十六國號為斷匈奴右臂

注云哀帝時劉歆上議曰武帝時立

五屬國起朔方伐朝鮮起玄菟樂浪

以斷匈奴之左臂西伐大宛結烏孫

裂匈奴之右臂南面以西為右也

分陝

王莽傳六十九中

王莽時分陝立二伯

師古曰分陝者欲依周公召公故事

自陝以東周公主之自陝以西召公

甌脫

匈奴傳六十四上

東胡使謂冒頓曰匈奴所與我界甌

脫外棄地匈奴不能至也吾欲有之

服虔曰甌脫作土室胡兒所作以候

漢也師古曰境上候望之處若今之

伏宿舍也甌音一候反脫音土活反

威斗

王莽傳六十九下

王莽親之南郊鑄作威斗威斗者以五

石銅為之長二尺五寸以厭勝眾兵既

成令司命負之莽出在前入在御旁

李奇曰以五色葉石及銅為之師古

曰若今作鍮石之為

跂行喙息

匈奴傳

上及飛鳥跂行喙息顛動之類

師古曰跋行凡有足而行者也喙息
凡以口出氣者也跋音岐喙音許穢
反鯁音人充反

豬其宮室

王莽傳六十九上

古者畔逆之國既已誅討則豬其宮室
以為汗池納垢濁焉名曰凶虛雖生菜
茹而人不食

李奇曰掘其宮以為池用貯水也師

古曰豬謂畜水汗下也汗音烏所食

之菜曰茹

肝衡

王莽傳

肝衡厲色振揚武怒

孟康曰眉上曰衡肝衡舉揚目也

校司馬

南粵王傳六十五

伏波將軍路博德討南粵而南粵王趙
建德亡入海伏波遣人追故其校司馬

蘇弘得建德


師古曰校之司馬若今之行軍總管
司馬也

受降城 匈奴傳 李陵傳二十四

單于年少好然伐左大都尉使人問告
漢曰我欲殺單于降漢漢聞此言故築
受降城

李陵傳注師古曰受降城公孫敖所

築



西漢博聞卷五

乙丑年
坦校

文獻

